

吉安螺山宋文丞相祠志 上冊

地 755.59
926
:1~2

吉安螺山宋文

丞相祠志

歐陽青
題

民國丙子

年冬月印

螺山宋文丞相祠志序



螺山文丞相祠志成王君篤予既撰詞弁簡端矣蕭君虞琴復以序命予予勿敢拾志所已載及王君所已言者復述之以厭聽聞特揭蕭君所以編是志之隱衷告天下後世夫文丞相之取義成仁雖婦孺咸知敬無待藻飾也乃蕭君於斯祠修復後更慇懃而編斯志果何爲也哉我知之矣自清政不綱而異族伺隙碧眼紫髯兒既已鷹隼而鸚鵡爾倭奴亦復效尤踵起而問吾鼎之重輕當其啟衅伊始吾人猶以疥癩視之也甲午一敗庚子再敗而吾國介胄之士乃畏倭奴如虎鯨吞我遼瀋而弗敢抗蠶食我熱察而弗敢抗甚至爲虺爲蛇蟠踞我平津而亦弗敢抗詢所以退縮之由則曰是兵精器利不可敵也噫曷弗念文丞相當日所悉力抵抗者夫豈易敵者乎稽諸史彼成吉思汗自舉兵以來當者輒靡鉄蹄所蹂直達裏海地中海今日之凌轢我者在昔日大都嘗爲蒙古凌轢者也而文丞相於蒙軍入寇時興兵勤王其所召募不過市井烏合訓練既未精糧械復不給驅羣羊以鬥猛虎見者罔不爲公危然公竟一無顧畏奮袂直前雖天不祚宋兵敗身繫而甘就鼎鑊不甘令戎有中國身亡矣而此至大至剛不爲異族所屈撓之正氣不與之俱亡閱數十年而明太祖稟承之以屋元社更閱數百年而孫中山復稟承之以覆清祚然則敵無強弱國不自伐人誰能伐但令吾國上下觀於是志奉文丞相爲圭臬血可灑骨可碎肉可糜而吾炎黃華胄必不可束手而爲犬羊所辱精誠所結堅於金石雖列強協以謀我亦莫能蕩搖我禹甸寸土也矧區區島夷乎蕭君用意蓋深遠矣如徒與白鷺青原諸志等視則譾甚卽以是爲表章文丞相者亦重負蕭君苦心

螺山宋文丞相祠志

鄒序

吉安振興印刷所代印

民國二十五年丙子冬月

邑後學鄒 鳴敬 撰

螺山宋文丞相祠志序

民國廿四年歲在乙亥邑人士登螺山覽風景尋宋文丞相信公國祠宇蕩然無存一片故基鞠爲茂草心竊傷之乃勸本邑義士康桂林及各處同鄉捐資建復閱數月而告成祠宇重新巍然可觀是時適有重修縣志局之組織余愧無才濫竽其間日與同事諸君子徵文考獻僉謂螺山文信國公祠爲地方著名古蹟不可無志以傳之王君竺余尤爲熱心獨任編纂之責書未成而先逝蕭君虞琴繼起而編成之交余閱并囑爲序余考斯祠之初建也在明宏治十五年迄今數百餘載矣向無專書之紀錄第於邑乘中紀其大略而已祠之由來與夫時興時廢時興者不得而詳考焉斯志也搜集明御史周孟中奏請建祠全案及歷次建祠碑記并信國公里居事實著之於篇向之不得而詳考今可一目了然矣或曰信國公成仁取義正氣浩然足以上貫日星下鎮河嶽爲我中華民族留億萬年不朽之精神作億萬年人羣之表率不獨爲有宋一代增三百年養士之光已也一生事蹟載在宋史流傳

螺山宋文丞相祠志

歐陽序

二

吉安振興印刷所代印

不替志之有無無甚關係余曰是矣而未盡然也夫志猶史也而其爲用比史尤重蓋史爲國人修之傳聞失實在所不免志爲地方人編之就近考查見聞較確史有誤而志則無訛也信國公爲廬陵人里居事實歷歷可考自宋史誤爲吉水傳至今日議論紛紛莫衷一是有更正爲廬陵者有迷信宋史仍爭爲吉水者今閱斯志可以正宋史之謬破讀史者之疑志之關係固不重歟昔者信國公少時遊鄉校見學宮祠內有歐陽文忠楊忠襄公胡忠簡公遺像慨然曰沒不俎豆其間非夫也今建祠奉祀俎豆千秋并編成斯志以志之固足以慰信國公之素願表我邑人崇拜之熱忱爲鼓勵人心整飭綱常之模範歷億萬年後士君子考古事徵文獻仰慕信國公之忠義氣節並可於此得其詳焉是傳之一時者其功小傳之萬世者其功大志之爲用又豈淺鮮也哉若夫祠之周圍景更清新前瞰鷺水後擁螺髻遠挹神岡近連瑞華其隔江諸峯林壑尤美有峯南峙樹密雲深望之蔚然而幽秀者青原山也東行數十里峯回路轉層巒疊嶂巍然矗立於霄漢間者天玉山也皆足壯祠宇之

規模以妥侑信國公之忠魂登山一覽宛然在目斯志未及備載且亦無須備載也
附爲說之以告閱者

民國二十五年丙子冬月

後學歐陽青敬撰

螺山宋文丞相祠志

歐陽序

三

吉安振興印刷所代印

螺山宋文丞相祠志序

宋丞相文公忠義元已見重至明益著特元祠於螺山之麓前清准從祀聖廟而螺山春秋不忒今國民政府既飭從速築祠并允通令保護匪直舊典相沿實文公尊天柱立地維默使之然而有不容已者也祀諸賢先後不無同異而歷久愈詳民國丙辰縣志開局延邑人寄籍湘鄉王太史澤寰爲總纂以螺山祠祀久廢乃復之祀祀姓名訂訛補闕予稽核富田祭產暨螺山祠界土田編印成帙曰清釐文信國公祭產總錄而太史祀議上下篇列焉庚午赤匪陷城因修礮堡山頂祠毀無餘蕭君虞琴感懷滄桑將以縣公產向法院登記予謂螺山爲公共葬山祠址內外尤需登記且必籌款急修庶免後患幸康君文卿慨捐巨貲益以外埠樂助棟宇煥然俎豆秩然皆于乙亥歲見之休哉然無一書以紀其盛則茲祠原委明者或眇而祀祀諸先生以同異而無一定之準後將奚從爰不揣淺陋與蕭君共同討論以成此志視昔之青原山志白鷺書院志當尤足重也

螺山宋文丞相祠志

王序

四

吉安振興印刷所代印

民國二十五年丙子季秋月

邑後學王祐敬撰

螺山宋文丞相祠志序

祠何以志紀實也文信國公吾邑奇俊亦民族英雄國中祠而祀者寧止螺山今惟螺山祠是紀蓋有說焉祠經民十九之亂垣頽棟折遺址僅存二十四年夏集貲修建庀材鳩工八閱月而告成當其時信國籍隸吉水之說紛騰人口邑人士求所以更正之博引旁徵筆之爲禿因此知鄉土觀念種族觀念吾邑人腦印實深後之視今當如今之視昔故志之以告來者或曰祠奉勅建始於明宏治十五年吾邑崇拜先哲代不乏人自明迄今祠毀而復修屢矣享祀烝嘗人皆奉之信國起義勤王事雖不濟然軍敗身囚終能抗節虜廷爲我黃種存生氣流風餘韻人皆仰之今試登螺山巔憑弔往蹟鄉土耶種族耶兩種觀念自勃動於心而不能已奚志爲曰是不然天下事當其須之殷則易集及其久而玩則易遺螺山祠旣妥祀信國籍隸之駁正牘累篇連凡所採錄若印像若手劄若題詞若畫贊及有關忠義諸名著無不備蓋不獨冀英靈降鑒爲吉邑光也當此強隣逼處球玩失矣越南亡矣臺灣割矣近

螺山宋文丞相祠志

顏序

五

吉安振興印刷所代印

且濬遼淪喪綏察緊張國勢岌岌可危得信國百折不回之氣樹之風聲繼起有人安見轉弱爲強振國威而寒敵胆不在今日然則吾邑人採錄殷勤裨益風化人心誠非淺鮮不彙而志之年遠散失將所賴感發吾人動鄉土之念警覺斯世興種族之思者能收效幾何王君竹侖蕭君虞琴爲此懼竭數月力編成付之剞劂真可謂有心人矣世有執筆史館欲糾宋史謬誤爲信國詳里居者乎請讀此志世有禦侮疆場欲救中國阽危繼信國攘夷狄者乎亦請讀此志

邑後學顏振聲謹撰

民國二十五年歲在丙子季冬月

穀旦

螺山宋文丞相祠志序

出城東一天門過螺湖橋迤邐而東五里許曰螺山其地山輝川媚青原天玉諸峯羅列如錦屏神崗峙其右天華枕其背橫江白鷺之水中流分逝有大江東去之概山之麓爲 宋丞相忠義祠祠前雙石對峙彷彿螺川二字挺拔雄俊有忠勇狀祠勅建於明代宏治十五年祀 丞相及殉節諸忠義五十四人從邑人御史周孟中請也自明迄今興廢無常祀典不替民國十九年庚午秋赤氛肆虐吉城告陷祠宇蕩然無存荒烟蔓草宮殿悉成禾黍邑人士來遊斯地相與憑弔感慨低徊太息而不能去不忍 先生震古鑠今之忠烈委諸草莽之間集費鳩工拓而新之經始於二十四年夏越八月而告竣焉由是肇明禋開學校植森林設施一爲之備其所以妥先靈闡幽光俾精忠大節亘古常昭鄉之後進奚容可辭嗚呼 先生之忠義自宋迄今六百餘載矣其祠而尸祝之者由北平達中外若柴市真揚臨安江淮嶺海之間俎豆馨香且徧天下 先生之正氣上貫日星下鎮河嶽沛然充塞於天地之

螺山宋文丞相祠志

蕭序

六

吉安振興印刷所代印

間宜無所不至而螺山之祠獨重於天下者以 先生首邱之鄉生斯聚斯蓋以風勵其鄉之人也祠旣成同人等編輯斯志用紹往哲昭來茲俾成仁取義自有千秋觀感奮興之念有不禁油然而生焉旣歷代沿革知滄桑雖遞易而抒懷舊之蓄念發思古之幽情馨香禱祝獨有萬年也旣從祀附祀諸議知公論自在人心 先生之風洵足以表往勵來丕振風聲也旣楹聯詩章知後人向往流連感公之誠有不勝高山仰止之慕焉旣碑記傳記知表揚忠節異代同符足使頑廉懦立百世下猶有聞風而興起者旣更正籍貫諸案知考古證今事實昭然公之後裔尙聚族於富田原地遺像墨蹟猶存家廟傳爲世寶彼強誣先哲隸籍以爲己榮者何其謬耶旣北平紀念冊知公殉身柴市歷數百年彼都人士至今尙不忘先烈保存古蹟宣揚文化爲振興民族之精神况生於是邦之人乎嗚呼公之忠天下之達忠也水之行地也恣肆汪洋無往不成就下之性日月之經天也光華燦爛無處不普容光之照公以浩然之氣充塞於兩間磅礴鬱積流行無間雖乾坤容有時而或息而立地維

尊天柱耿耿孤忠實足以塞蒼冥而陰陽不能賊今者優勝劣敗強權可勝公理鷹
麟虎視之輩日出其機械以飼我甘飴之不已繼以利誘利誘之不足遂肆其鯨吞
蠶食之謀令我黃帝世胄錦繡河山日蹙百里危如累卵想 文公在天之靈當亦
有愀然而不自安者矣嚴夷夏之防奪權奸之膽立萬世不敝之綱常振末世已頹
之人心 公之丹心勁節表見於斯志者雖不足爲 先生重而實足爲天下後世
重我鄉人嚮慕不已一寓目而致其敬恭一開卷而益如親矣則斯志之編蓋以立
世道之閑作忠義之氣或不無小補云爾

邑後學蕭賡韶謹撰

民國二十五年歲在丙子仲冬月

螺山宋文丞相祠志

蕭序

七

吉安縣興印刷所代印

義例

一從前白鷺洲書院及青原山諸名勝俱有專志行世已久獨螺山文信國公祠向未有編輯成帙者以致歷代沿革及祀典祠址無從稽考殊非尊崇先烈之意爰新編是冊藉資表彰永垂久遠

一公世居距城九十里之純化鄉八十二都富田村其手卷遺墨遺容俱藏在文姓世守勿失墳墓大忠堂狀元坊文山舊隱屹然猶在元史僅據隋開皇之廬陵郡吉水隸焉誤稱公爲吉水人失當殊甚卽引公所自述並同時歐陽守道王炎午江萬里及明代吉水羅洪先諸先生俱稱公爲廬陵人是編所列籍貫俱屬廬陵確無疑義不得以元史所據強誣先哲混亂隸籍

一螺山祠前因界址未清自十九年匪毀復葬墳壘壘逼近祠傍呈請政府禁止及勒令遷移外再呈吉安地方法院聲請登記給發繕本俾資世守以免侵佔

一祠內碑記匾額楹聯及歷代遊覽謁祠諸詩章俱載入冊內以示表揚前賢之至

螺山宋文丞相祠志

義例

一

吉安振興印刷所代印

意

一公議每年春冬各祭由縣紳恭詣行禮祝文一項故得載入

一是冊不分卷帙各分門類酌定次序編入以醒眉目

一江西省壯丁訓練教本內有吉水文天祥一語當由縣紳及文姓家族呈由層峯鑒核引公爲廬陵人確証數十條令飭更正故將全案編入以昭翔實

一文公忠烈彪炳古今前次行營將公所作正氣歌一篇印刷數萬份散佈軍士鼓勵忠義之氣北平府學胡同文丞相祠實驗小學校校長編印文丞相祠紀念冊數千份以爲保存古蹟宣揚文化之一助故將全冊附入以誌公之節義感人甚深歷數千年而不朽也

吉安縣螺山宋文丞相祠志目錄

文丞相遺像

文丞相劄子墨蹟

文丞相畫像記

文丞相像劄子題贊

文丞相傳

文丞相軼事

御製文信國公文

文丞相從祀原案

明周孟中請立忠義廟祀文丞相並殉難諸賢奏疏

螺山文丞相祠歷代沿革考

螺山文丞相祠登記繕本

螺山宋文丞相祠志

目錄

螺山文丞相祠清釐祭產表

文丞相祠附祀議上

文丞相祠附祀議下

附祀意見書

重修螺山文丞相祠並刊印歐陽胡周文四先生文集募捐啟

祠前石坊圖

祠前正面圖

祠內正殿圖

祠內照廳圖

祝文類

匾額類

對聯類

詩類

勅建螺山忠義廟碑

文丞相忠義祠記

文丞相祠堂記

重修文丞相忠義祠記

重修螺川文文山先生祠碑記

重修文丞相祠碑記

螺山信國公文先生祠記

重修螺山文信國公祠碑記

重修螺山宋文丞相祠輪捐碑記

文山書院事略

謁文信國公故里記

螺山宋文丞相祠志

目錄

二

吉安振興印刷所代印

吉安縣紳康桂林等呈請縣政府佈告禁止葬墳以妥英靈文

吉安縣紳鄒鵠等爲重修螺山文山祠呈請縣政府令飭附祠葬墳各戶主限期移以清祠界而崇忠烈文

吉安縣紳鄒鵠清釐螺山文信國公祠業舊界呈九區行政督察專員公署備案并令縣禁止葬墳文

吉安縣紳鄒鵠等呈請縣政府轉呈蔣委員長提倡興復文信國公祠字并令駐軍保護文

吉安縣紳鄒鵠等呈復縣政府業已建復文信國公祠請轉呈蔣委員長通令保護禁止駐軍文

江西省第九區行政督察專員公署批

吉安縣政府佈告

吉安縣清鄉善後委員會佈告

吉安縣紳鄒鵠等呈縣政府組織重建文信國公祠籌備處請備案示遵文

吉安縣政府指令

致籌備員舉行成立會請按時出席函

吉安縣紳鄒鵠等呈請縣政府嚴拘各墳主勒令起遷文

吉安縣清鄉善後委員會佈告

吉安縣政府指令

吉安縣政府訓令

吉安縣紳鄒鵠等爲民衆訓練教本誤載文公籍貫呈請省政府轉飭更正文

江西省政府批

吉安縣紳鄒鵠等爲省政府批詞引據失當特行辨明再懇轉飭更正文

吉安縣紳鄒鵠等謹抄全案呈請行政院內政部教育部轉飭省政府更正文公

籍貫文 內政部批 教育部批

螺山宋文丞相祠志

目錄

三

吉安振興印刷代印

吉安旅省同鄉會呈省政府請更正文公籍貫文

文氏族房長等呈請更正文公籍貫文 內政部批 教育部批

吉安縣政府批

吉安旅省同鄉會以文氏族房長等請轉求更正文公籍貫據情轉呈省政府令

飭更正文

附北平府學胡同文丞相祠紀念冊

宗文信國公小影

邑後學王補軒題



宋 文 丞 相 劉 子 墨 蹟

存正... 今相與有... 宋... 丞... 相... 劉... 子... 墨... 蹟... 此處為宋文丞相劉子墨蹟的書法展示，內容為多行草書，因圖像模糊，具體文字難以辨認。

廬陵富田文文山先生畫像記

吾於人有願見而不可得有欲避之而不但已斯二者生於吾心咸莫知所自來謂非天與我者耶方其願見而不得也不特其容貌足以想見其爲人幸得至其鄉並覩其手跡之餘亦將歎慨悲喜有如相接平生矣又况爲鄉之先哲心所甚慕而敬焉者一旦得其容貌之似其心何如哉余生文山先生之鄉相去後二百餘年訪其家祠殊不稱制父老相傳有寄陳赤岸帖摹本與墨書絕類捧讀不能釋手常夜夢先生投刺往來竊以自奇每道經螺山祠輒登堂四拜雖衣冠像塑未知與生存肖否然祗個其下浪執鞭門下無從也嘉靖癸卯冬先生裔孫思中由富田以持畫像來布巾素衣丰神朗逸如史所稱炯目豐準若或見之於乎豈非大幸哉方先生少時豪宕雄放彼固一時也多事以來自奉貶損流離困頓不改故常有道者然歟今觀其容貌與其所履將致政之日緩步田野歟將空坑之後混跡行旅歟將脫潤州之厄而北渡失真州之援而東奔歟將被執海上悲歌慷慨從容市中問南向歟嗚呼鈞是人也丹渥魁傑者何限使人慕而見見而足以感者有幾而在吾之欲得遂願見者獨先生耳古人有言死而不亡嗚呼是豈容貌之謂哉人之惜身固惟恐其亡也然而不知惜此何也思中以其先常寶是像數百餘年方問學於余屬余爲記故於其前敬書以歸之

螺山宋文丞相祠志

畫像記

吉安振興印刷所代印

吉水後學羅洪先沐浴敬書

文丞相遺像劄子題贊

其一

孔曰成仁孟曰取義惟其義盡所以仁至讀聖賢書所學何事而今而後庶幾無愧此公衣帶中贊也乙亥夏余科試吉安公之裔孫鳳翊持公像來展謁之下凜然如生公之大節炳耀千古而實原本孔孟仁義之訓乃知真學問自有真氣節從容就義固與慷慨赴死者不可同日語也讀公自贊括盡生平後之人又何從溢一詞哉像後羅念菴先生跋墨蹟可寶特誌數語卷而歸之俾世守於弗替

錢唐後學張映辰薰沐拜書

其二

大義精忠

邑後學王補敬題

螺山宋文丞相祠志

題贊

吉安振興印刷所代印

其三

先生之學孔矩孟規先生之身天柱地維孰爾滅性孰爾勞生吾成吾是雲靜水平

萬歷辛亥端日太僕寺少卿鄉後學會臯直卿父頓首拜書

其四

瑛來廬甫下車拜先生木主於學宮之鄉賢祠聞先生專祠去郡十里而遙擬諏日蠲私往祀先生意其中必有遺像在也已而先生裔孫從偉等捧先生畫像卷屬瑛贊因幸北面稽首盥手展眎者久之遂不揣固陋而爲之贊曰肅肅者貌嶽嶽者容耶人之能繪者像其所不能繪者其心叶先生之心非贊之所得盡先生之像贊之又何庸耶有宋一代大儒名臣比肩接踵而以先生殿其終天之所以待先生者何如卽安得不生先生之貌與容耶縱橫萬餘里上下數百年敬者同慕者同則豈特藏之家廟陳之細纒爲子孫世世之追崇耶

康熙庚辰歲秋九月平干後學劉廷瑛頓首并書